

泰州志卷之一

建置沿革

星野附

祥異附

周春秋時吳地後屬越戰國時屬楚

或曰即楚海陽

案戰國策蘇秦說楚威王楚地東有夏州海陽

秦屬九江郡

始皇二十四年定楚以其地置楚郡

通鑑

秦滅楚廣

陵屬九江郡

通典

案秦三十六郡無楚蓋平楚時暫

置後為九江郡

漢置海陵縣屬臨淮郡

臨淮郡元狩六年置縣二十九海陵有江海會祠王

泰州志

卷之一

建置

一

莽時曰亭間

漢書地理志亭間一本作亭門

海陵倉即漢吳王濞

之倉也枚乘上書曰轉粟西向陸行不絕

原本脫此句據後漢

書補入水行滿河不如海陵之倉謂海渚之陵因以為

倉

太平寰宇記

後漢屬廣陵郡

東陽故屬臨淮有長洲澤吳王濞太倉在此

後漢書郡

國志一案原文中斷一字非連綴書

海陵令前漢屬臨淮後漢屬廣

陵

宋書州郡志

舊州志云光武建武六年海陵省入東

陽屬廣陵

此因建武六年有并省四

雍正府志謂并

省無明文從宋志較有據新府志引三國志注孫策

破劉繇別將於海陵又呂岱傳廣陵海陵人俱在建
安時爲後漢廣陵郡有海陵之證又引通典云東陽
縣城在盱眙東以漢地攷之中隔射陽高郵二縣不
能遠至海陵遂謂廣陵所領十一城應補海陵一城
而以長洲澤上綴東陽謂其傳寫有脫所論雖近是
然亦有不盡確者案後漢廣陵郡十一城廣陵江都
高郵平安
凌東陽射陽鹽本無海陵則不得云傳寫有脫又案
郡國志如滎陽有鴻溝水高陽故屬涿有葛城之類
俱係連文惟此條中斷一字亦未可云上綴東陽也
至光武時省減縣國而海陵之名已著前漢縣可廢

泰州志

卷之一

建置

二

而名不必廢陳壽裴松之晉宋時人或仍舊名書之
不能據此而斷郡國志之有誤且如海陵廢於三國
既見宋書何以魏志張遼傳內仍有至海陵之語此
又縣廢名不廢之實證也海陵在後漢自係省入他
縣特省入東陽則無文可據舊志固屬附會府志舍
漢志而專據宋書亦未可爲定論也因錄之以俟知
者

三國時廢

江淮爲戰爭之地其間不居者各數百里射陽海陵

高郵江都三國時廢

宋書州郡志

案魏志黃初二年征吳

張遼與曹休至海陵

舊志作六年遼與弟至海陵甚誤

六年文帝幸

廣陵故城吳志五鳳二年使衛尉馮朝城廣陵魏志

鄧艾傳云開廣陵城陽以待吳人則知廣陵海陵在

三國時不能定其屬魏屬吳也舊志載曹操遷徙海

陵戶口事既無明文

案吳志建安十八年曹公恐江濱郡縣為權所畧徵令內移自

廬江九江蕪春廣陵戶十餘萬皆東渡江無及海陵語

又云吳孫亮以呂岱為

大司馬岱海陵人遂復置海陵尤屬附會並削之

晉太康元年復立

宋書州郡志

廣陵郡統縣八其四為海陽又海陽有江海會祠並

見晉書地理志雍正府志年表言晉改曰海陽史無

泰州志

卷之一

建置

三

明文案海陽之名雖見國策而宋書不言改名則陽

字恐即陵字之譌新府志引簡文紀毛璩傳

並見事畧

以

證之似宋書為可據

安帝時分廣陵置海陵郡治海陵縣

義熙七年分廣陵置海陵山陽二郡

晉書地理志

安帝

分廣陵郡之建陵臨江如臯寧海蒲濤五縣置山陽

郡屬南充州

同上案府志據宋書謂山陽當作海陵甚是

海陵縣東晉

為海陵郡治

大清一統志

府志以海陵郡別治建陵

在晉安帝時案晉志無海陵郡治建陵之語未知何

據

宋因之海陵郡徙治建陵海陵縣仍屬廣陵

海陵郡徙治建陵

大清一統志表

廣陵太守領海陵令

宋書州郡志

海陵太守晉安帝分廣陵置領縣六建陵

臨江如臯寧海蒲濤臨澤

同上案臨澤宋太豫初置餘皆晉安帝立

建陵廢縣在泰州東北七十里本東海郡屬縣義熙

中僑置於此見方輿紀要今東臺縣境案海陵郡

晉志屬南兗州雍正府志作隸徐州蓋因宋元嘉八

年以廣陵江都等四縣立南兗州治廣陵遂疑南兗

州為專領廣陵一郡又因三十年南兗并省南徐故

以海陵郡屬之徐州攷晉義熙時徐州統郡十三廣

泰州志

卷之一

建置

四

陵海陵不在所統宋元嘉時以江北為南兗州廣陵

海陵割屬焉宋末南兗猶領郡十一徐志領郡九南齊時

始分為五郡

廣陵舊屬徐州當南兗治廣陵時即以屬之而他郡之屬南兗者如舊非專領

廣陵一郡也

至南兗省入南徐其後復立還治廣陵而海

陵郡之別隸徐州史文無見仍以屬南兗州為是

南齊因之廣陵郡移治海陵

建元四年省濟陰下邳淮陽東莞四郡并

海陵郡治建陵領縣如舊永明中增置齊昌海安二

縣

雍正府志年表加寧海為增置三縣誤寧海已見晉志

梁復以海陵縣為海陵郡治五縣仍屬之

北齊陳北周海陵郡縣如舊

隋開皇初郡廢以縣屬揚州省建陵縣尋析置江浦縣

大業初復省入海陵屬江都郡

案梁時郡縣始并隋時郡廢縣存始隸江都郡

唐武德三年置吳州

即置縣

更縣曰吳陵七年州廢縣復

曰海陵屬邗州

武德二年為南兗州七年改為揚州

景龍二年

析海陵置海安縣開元十年復省入有鹽官先是海陵

郡之臨江如臯皆并入寧海至唐又并入海陵

寧海晉安帝置隋以如皋縣并入唐又省入海陵臨

江亦晉安帝置後周并入寧海

方輿紀要

五代楊吳置海陵制置院析海陵置興化縣屬江都府

南唐昇元元年升為泰州割興化

吳屬江都府鹽城

吳屬楚州置

泰州志

卷之一

建置

五

泰興如臯

本晉縣隋省唐析海陵地置如臯鎮

並海陵五縣屬之又以海

陵東境置靜海制置院

參吳任臣十國春秋地理表

泰州本揚州海陵縣僞吳乾貞年中立為制置院僞

唐昇元元年升為泰州仍析海陵南五鄉為泰興縣

割楚州之鹽城縣改招遠場為縣至保大十年又割

如臯場為縣並隸泰州

太平寰宇記府志云寰宇記於興化縣下注云僞吳武

義年析為招遠場尋改為興化縣屬揚州是場改為縣即今興化別無招遠縣也

海陵監

煮鹽之務也南唐昇元元年置海陵縣為監置泰州

以轄其監管鹽場八南四場北四場

同上

周為團練顯德五年分泰之靜海都鎮置靜海軍

尋升通判

以海陵東境之東洲鎮置海門縣見十國春秋地理表海門屬通州

宋為泰州軍事開寶九年以鹽城還屬楚州熙寧五年分淮南為兩路泰州隸淮南東路領縣四海陵興化泰興如臯

泰州上海陵郡本團練乾德五年降為軍事

宋史地理志

開寶七年以海陵監移治如臯置西溪鹽倉孝宗

乾道七年罷鹽倉置官鹽場

府志東臺沿革

建炎三年入於金尋復四年置通泰鎮撫使紹興十年移置泰興沙上時泰興隸海陵復舊治原領四縣十二

泰州志

卷之一

建置

六

年舊志作十四年誤泰興復隸揚州淳熙四年興化復隸高郵

軍自是所統惟海陵望如皋中下二縣

案宋史地理志泰興舊隸泰州

府志俱云宣和四年以泰興屬揚州史

文無見紹興五年屬揚州十年又屬泰州十二年仍隸

揚州以柴墟鎮延冷村隸海陵三十九年盡仍舊興

化舊隸揚州

南唐已隸泰州此尚謂揚吳時

建炎四年屬承州

案是年升

高郵軍為承州紹興三十九年復為軍紹興五年廢為鎮

舊志云廢縣為昭陽鎮附

海陵縣十九年復縣隸泰州乾道二年隸高郵軍又隸

泰州淳熙四年還隸高郵軍府州志俱未詳晰今攷

正之

元至元十四年立泰州路總管府二十一年改爲州隸

揚州路領二縣海陵

上倚郭

如皋上

明洪武初省海陵縣入州領如皋一縣屬揚州府

洪武元年置西溪鎮巡司正德十五年改置泰州分

司駐東臺場

國朝因之爲揚州府泰州雍正元年置同知駐東臺鎮專

轄下河水利三年以如臯屬通州乾隆三十三年省東

臺同知分泰州之東北境置東臺縣

星野

黃帝分野次星自斗十二度至婺七度曰星紀之次於

泰州志

卷之一

星野

七

辰爲丑保章註曰星紀吳越也又曰斗牛女揚州爾雅

以斗牽牛爲吳分漢班固三統歷謂斗江淮牽牛婺女

揚州後漢書星紀起斗十一度終女七度爲吳越分魏

太史令陳卓定郡國所入宿度廣陵入牛八度晉天文

志揚州入牛一度唐志南斗在雲漢下流當淮海間爲

吳分

案歷代分野之書皆云星紀之次吳越揚州或云自

斗十一度至女七度或云自牛三度至女一度蓋揚

州古疆甚廣包吳越甌閩跨嶺表負海壘統郡數十

廣陵特其中之一郡耳斗牛女分舍三十度廣陵當

牛八度此古天官家言廣陵分野之大畧也泰州爲揚屬明史稿以高郵通泰三州皆斗分謹案國朝時憲書雍正五年十一月十日壬戌冬至未正一刻後日躔星紀之次十一日躔箕二度至十六日躔箕八度十七日躔斗初度至十二月初十日躔斗二十二度是日交大寒夜子初一刻三分後日過元枵之次十一日躔斗二十三度十二日躔斗初度至十八日躔牛六度十九日躔女初度由此推之則是今之星紀起箕二度終斗二十二度而牛女二宿全不在星紀之次也伏讀

泰州志

卷之一

星野

八

欽定熱河志敬載

御製題毛晃禹貢指南詩注史記天官書二十八舍主十二州引星經如云角亢鄭之分野之類乃以二十八宿主十二州分配無餘此外更當何屬夫天無不覆星麗乎天亦當無不照今十二州皆中國之地豈中國之外不在此昭昭之內乎且其間有地少而星多亦有地多而星少以天度地輿準之亦不均如井鬼爲雍州陝西甘肅皆是其道里之廣已非兩舍所能該而今拓地遠至伊犁葉爾羌喀什噶爾較禹貢方隅幾倍蓰其地皆在甘肅以外將以雍州兩星概之乎抑

別有所分屬乎此又理之難通者蓋分野之說本不足信而災祥則更鄰於讖緯

聖訓昭垂誠足破千古拘墟之見矣惟四時節氣有關土地之宜今遵北極出地表標明之泰州北極出地三十二度三 二 夏至日出寅正三刻八分日入戌初二刻一分晝五十九刻八分夜三十二刻一分冬至日出辰初二刻一分日入申正二刻八分晝三十七刻一分夜五十九刻八分

祥異

宋文帝元嘉十九年五月海陵王文秀獲白烏南兗州

泰州志

卷之一

祥異

九

刺史臨川王義慶以獻

宋書符瑞志

孝武帝大明二年三月見雙白雉

唐文宗太和四年十一月海陵火

新唐書五行志

宣宗大中六年夏饑海陵高郵民於官河中漉得異

米號聖米

同上

僖宗乾符六年二月泰州管內四縣生聖米大如芡

實

雍正府志

宋太祖乾德二年七月泰州潮水漲壞居民廬舍數百

區溺牛畜甚衆

宋史五行志

三年七月泰州潮水損鹽城縣民田

同上

開寶元年七月泰州潮水害稼上同

太宗太平興國四年泰州雨水害稼上同

真宗咸平二年海陵縣麥秀二三穗上同

大中祥符四年十一月楚泰州潮水害田水多溺者

上同

二年二月己亥泰州言海陵草中生聖米可濟饑

宋史真宗紀

仁宗天聖五年三月泰州地震宋史五行志五

皇祐三年十二月泰州獲白兔上同

神宗熙寧時淮西連歲蝗旱居民艱食通泰農田中

泰州志

卷之一

祥異

十

生菌被野飢民得以采食王闢之澠水燕談

元豐四年七月泰州海風駕大雨漂浸州城壞公私

舍數千楹宋史五行志五

徽宗崇寧四年泰州禾生穰宋史徽宗紀

政和五年六月泰州軍獲白兔宋史五行志五

孝宗乾道元年正月泰州火燔民舍幾盡宋史五行志五

淳熙五年八月淮東通泰楚高郵黑鼠食禾既歲大

饑上同

六年通泰楚州高郵軍大饑人食草木上同

九年七月淮甸大蝗真揚泰州窖撲蝗五千斛上同

光宗紹熙二年五月真揚泰楚皆旱

同上

七月高郵縣蝗至於泰州

同上案高郵於紹熙三十一一年復為軍縣字

宋史誤

五年五月泰州大水

同上

寧宗慶元六年泰州乏食

節宋史五行志案是年建康府常潤揚楚通泰和

七州江陰軍旱見寧宗紀

理宗淳祐十一年泰州風

宋史五行志

元世祖至元十八年四月泰州饑

元史世祖紀

成宗大德五年七月江水暴風大溢高四五丈連崇

明通泰真州定江之地漂沒廬舍被災者三萬四

泰州志

卷之一

祥異

十一

千八百餘戶

元史五行志舊志雍正府志俱誤作二年

案是月戊戌朔晝晦暴風起東北雨雹兼發江

湖泛溢東起通泰崇明西盡真州民被災死者

不可勝計見成宗紀

九年六月通泰蝗

元史五行志

順帝至正元年崇明通泰等州海潮湧溢溺死一千

六百餘人

元史順帝紀

十七年泰州海陵縣民劉子彬親墓木生連理

雍正

府志

明太祖洪武二十二年七月海潮漲溢壞捍海堰漂溺

呂四等場鹽丁三萬餘口

志 舊

英宗正統十四年泰州等處水災

志 舊

憲宗成化三年七月海溢壞堰六十九處

府 雍 志 正

六年秋至七年春大旱運河竭七月大雨海潮漲

壞各場鹽倉居民垣屋

志 舊

孝宗宏治十六年旱疫

志 舊

武宗正德三年旱饑

饑 舊 志 見 明 史 五 行 志 案 是 歲 揚 州

七年七月夜大風海溢沒場亭廬舍人死千計

志 舊

十二年大水

志 舊

十三年大水

人 同 上 案 十 四 年 淮 揚 饑 相 食 見 明 史 武 宗 紀

泰州志

卷之一

祥異

十二

世祖嘉靖元年七月大風海溢民廬漂沒

上 同

二年秋大水民饑疫作

府 雍 志 正

三年春大饑

十四年六月蝗 十五年春夏旱秋潦沒田禾

十八年閏七月海潮暴至溺死數千人

志 府

二十年旱 二十四年旱無禾

二十五年旱無禾 二十八年夏大水

三十一年水 三十二年大旱

案 是 年 饑 見 明 史 五 行 志

三十三年大旱城濠竭

見 案 是 年 揚 州 旱 明 史 五 行 志

三十四年旱忽大雨一日夜兩壩俱決禾盡沒

三十五年大水廬舍漂沒 三十七年水

穆宗隆慶元年大稔升米三錢

案舊志作斗米三錢今從府志斗字易升

二年大稔

三年大水海潮溢舟行城市漂溺無算

四年旱蠡 五年六年饑

神宗萬厯元年大稔

二年河決水患同隆慶三年

案三年二月淮揚大水八月河決高郵見

明史五行志此云二年或係三年之譌

三年大風壞木傷禾 四年多雨穀貴

五年多雨彗見

府志云九月彗星見西南

六年大水冬雷

泰州志

卷之一

祥異

十三

七年潦民飢八月洪水至

府志作八年洪水至未知孰是

九年潦

案十年淮揚海漲浸鹽場三十淹死二千六百餘人見明史五行志

十一年閏二月二十八日雨雹如卵殺飛鳥夏旱

多蝗鶩鴿食之

十三年大水海溢

十四年五月颶風靈雨連旬不止城頹四百八十

餘丈廬舍盡壞民浮木以棲

十五年烈風暴雨没禾稼 十六年春夏疫

十七年旱蝗

案十七年十八年旱蝗相仍下河茭葑之田盡成赤地見雍正府志

十九年水

案是年湖淮漲溢決邵伯隄六十餘丈高郵南北俱衝見明史五行志

二十一年大水 案是年大水決湖隄見明史五行志

二十三年水 二十四年水

二十五年雨粟雨毛

二十六年水 二十九年水 三十年水

三十一年稔夏秋大疫 三十五年夏旱

三十六年水 三十九年水 四十年水

四十一年大稔

四十二年雨雹傷稼 四十五年旱蝗

四十六年稔

四十七年大旱 四十八年水

泰州志

卷之一

祥異

十四

熹宗天啟二年大稔

三年十一月地震 十二月揚州地震見雍正府志

四年稔

六年七月大風拔木秋蝗旱 七年水傷稼

懷宗崇禎元年稔

四年夏旱秋大水決湖隄民飢道殣相望

五年夏旱六月十五日大風拔木八月淮決漂禾

稼

案是年饑流殍載道見明史五行志

七年閏八月二十五夜大風雨拔木漂禾稼

八年七月蝗

九年夏霽雨傷禾冬無雪

十年大稔冬日入赤光亘天

十一年旱蝗無禾冬日入赤光亘天

十二年旱蝗冬無雪赤光亘天

十三年四月至七月不雨河竭無禾人相食

十四年五月六月七月不雨河竭無禾蝗疫

十五年五月雨雹破屋廬殺牛畜

十六年稔以上俱舊志

國朝

世祖章皇帝順治元年稔

泰州志

卷之一

祥異

十五

二年麥秀兩歧 三年大稔

四年水漕隄決 七年旱

十七年稔

聖祖仁皇帝康熙元年稔

五年五月朔有霜見府志

七年大水是年清水潭決見興化縣志

十年旱 十二年水 十四年水

十五年水是年清水潭決見興化縣志 十六年水

十八年蝗旱 十九年水 二十一年水涸

二十四年水 三十二年水 三十五年大水

三十六年水 三十七年水

四十四年水 四十六年旱 五十二年旱

五十四年水 五十五年旱 五十八年水

五十九年水 是年諸生王晉原家產紫芝一本

世宗憲皇帝雍正元年大稔

二年海水泛漲淹沒官民田地八百餘頃

四年稔 五年稔 六年大稔 以上舊志

七年夏旱蝗 八年六月二十一日大風海溢

九年冬十月地震

十年秋七月十七十八日大風雨壞屋拔木

泰州志

卷之一

祥異

十六

十一年稔

十二年大風壞屋海潮溢

十三年秋大水冬雨黑豆

高宗純皇帝乾隆三年秋大旱河竭 五年海溢冬大寒

六年大稔

七年夏秋淫雨漕隄決漂溺人民廬舍 案是年七月開五壩堵南

北水關上下兩河田廬盡沒見高郵州志

八年夏大水 九年春雨雹秋旱蝗

十年秋海溢冬大雪

十二年秋七月十四十五十六日大風潮溢淹損通

泰屬鹽場男婦丁口

見鹽法志

十三年夏五月暴風雨雹拔木壞屋

十四年正月朔五色雲見

見如皋縣志

十五年大雨

十八年九月雨淮水驟至壞范隄漂溺人民廬舍

案是

年七月車邏壩石脊封土前後決開六十餘丈諸壩齊開上下河田盡淹見高郵州志

十九年八月初二日大風潮溢淹角斜場男婦人口

二十年七月十四十五日風雨大作淹場亭竈地

以上

鹽法志

二十一年漕隄決大水大疫

泰州志

卷之一

祥異

十七

二十三年大稔

二十四年八月初二日初三日大風潮溢淹沒場亭

禾稼

二十五年五月連雨四十日大水

二十六年積水未退秋大風潮溢

二十八年稔

三十三年夏秋大旱河竭

案是年分置東臺縣

三十四年稔秋彗星見

三十五年稔

三十七年大稔秋大風潮溢

三十八年稔

三十九年大旱 四十年夏秋不雨蝗

四十一年稔 四十二年稔

四十三年夏秋旱 四十六年秋大風潮溢

四十七年秋旱

四十八年大稔

四十九年冬旱

五十年大旱蝗無麥無禾河港盡涸民大飢米石價

十千麥石價五千自三月不雨至明年二月雨

五十一年春大疫秋七月水 五十二年水

泰州志

卷之一

祥異

十八

五十三年大稔米石價一千三百

五十四年蝗尋滅秋稔

五十五年春三月雨雹夏旱秋水冬十二月大雪

五十六年稔

五十七年五月三日大雨雹十二月雷

五十八年稔

五十九年田中黍稭結成太平壽等字

仁宗睿皇帝嘉慶元年稔

三年旱

四年七月初三初四日大風潮溢

五年稔 六年稔

七年旱

八年稔

九年春旱秋水

十年六月大風雨海潮溢江漲淮水驟發開五壩水

淹下河民多流徙

十一年春民飢食水中蘋及榆皮河魚湧出人爭取

之夏旱疫六月荷花塘決漂没下河田廬無算歲

大稔

十二年旱無禾

泰州志

卷之一

祥異

十九

十三年春旱秋荷花塘再決災如十年十一年

十四年旱冬雨土如錢 十五年旱

十六年七月彗星見十月没

十七年淮水漲溢下河成災

十八年春旱秋淮水至

十九年夏秋大旱無禾河涸井泉竭米價石五千

二十年春疫四月大雨秋淮水至

二十一年三月十七日雪夏淮水漲不爲災秋稔

二十二年稔

二十三年秋淮水至不爲災

二十四年稔

二十五年八月太白晝見

皇上道光元年五星聯珠歲大稔

二年稔秋九月淮水至不爲災

三年秋七月初三日大雨平地水數尺鮑家壩決下

河禾稼被淹

四年夏旱秋稔冬十一月十二日大風拔木兩晝夜

不止高埧十三堡決湖水溢出五壩全啟漕堤東

之南關車邏五里等壩俱開水趨下河

五年夏麥秀雙歧秋稔

泰州志

卷之一

祥異

二十

六年夏淮水漲溢南關車邏等五壩俱開下河田廬

盡被漂沒民多流徙